



www.BibleForChildren.org


Matayo 26




Misi mtandatu
nee khaizati
sikukhuu ya Pasaka,
Yesu akaita Besania
ekuwako akekaa Lazalo,
yuda ambae Yesu
ekumyuyusaye. Aho, Malia
akadoa hindi ya mavuta
ya mzingo mtana
yekugosolwayo na nalido na ya
yombe khuu, akamwetiiya Yesu
mwe miundi na kumhangusa kwa fii zakwe,
nyumba yose ikamema mzingo mtana wa mavuta.



Naho Yuda Isikaliote yumwe wa wada wahina kumi dimwe na waidi, akaita kwa waviki wakuu ili kumhituka Yesu. Waviki wakuu wekutegeezaho mbui izo, ne wawa na nyemi, wakamwikia kiaga cha kumwekha hela. Aho Yuda akavoka kuondeza phasi ya kumhituka Yesu.



Wahina wakatenda inga Yesu ekuwaagiiavyo, wakaandaa khande ya Pasaka. Wekuwaho wakada, Yesu akadoa bumunda akamtogoa Muungu, akadibendua akawekha wahina wakwe akamba, "Doani mde unu nee mwii wangu." Akakidoa kikombe cha divai akamtogoa Muungu akawekha akamba, domeani wose, "Inu nee phome yangu iyonyeshayo Agane dangu ni dakwei, phome yetiwayo kwaajii ya wantu wangi kwa kuwausia mavigaviga."




"Simoni, Simoni! Tegeeza, ibiisi kamwomba Muungu uhusa adahe kuwabahuwa inga mntu mheta ngano. Akini mimi nakuombeza wee Simoni ili uzumizi wako usekuhungua. Nawe wendaho uniuwiye, wagee moyo wanduguzo." Naye Petulo akamtambaisa, "Zumbe, miye ntayali kuita hamwe nawe mwe kifungo, na hata kuuya na nyuma hamwe nawe." Yesu akamtambaisa, "Nakwamba wee Petulo, kabla zogoo khadizati kukema ivyeeo wenda uniemee maa ntatu."




Yesu akaita hamwe na
wahina wakwe adi hantu
ekwetangwaho
Getisemani akawamba,
"Ekaeni hanu, miye naita
kuvika." Akagombeka,
"Abba, Tate mbui zose
kwako zadahika. Uniusie
kikombe iki, iya khio inga
nikundavyo mie iya
ukundavyo weye."



Yuda akadoa wakhondo wa Kilumi na wagoji kulawa kwa waviki wakuu na mafalisayo, akeza nawo he kamnda, uku watoza mienge, na chemli na vitoanavyo. Na yumwe wada wahina akamsenga paange mndima wa mviki mkuu, gutwi dakwe da kuume. Aho, Yesu akamba, "Eka!" Akadidonta diya gutwi da yuda mntu uyo, akamhonya.



Naho wakamgwiiya Yesu, wakamdoa na kuita naye he nyumba ya mviki mkuu. Petulo ne kawa ambasa nyuma kwa hae. Wantu wada wekubuwaho kwe nyumba ya mviki mkuu wakagimba moto gatigati buha, petulo akasogea akekaa hamwe nao.




Yumwe da wandima wa Mviki Mkuu akamba, ni nduguye da yuda mntu mwe kusengwa gutwi ni Petulo, akamuuzza, "Ivi miye nchekukuona he kamnda hamwe naye?" Petulo akaemea vituhu, akagombeka khio miye, vuupu zogoo dikakema. Aho Petulo akalawa chongoi, akavoka kuiya muno.




Naho wantu wose wakagooka,
wakamwegaa Yesu hemeso ya
Pilato. Pilato akamuuzza Yesu, "Wee
nee Seuta wa Wayahudi?" Yesu
akamtambaisa, "Wee
wagombeka." Pilato nee
kakunda kumuekea Yesu,
Ivyo akamba vituhu, na
zumwezumwe da wantu.
Akini wowo wakatoa vuzo,


"Mgong'ondee he mhamba!
Mgong'ondee he mhamba!"




Aho pilato akamgeya Yesu mwe
mikono yao agong'ondewe he
mhamba. Ivyo wakamdoa Yesu.
Yesu ekwenuwaho mhamba
wakwe, akalawa kuita hantu he
kwetangwaho, "Fufu da mtwi"
kwa Kieblania ni Goligota.



Aho nee agong'ondewa he mhamba,
hamwe nae wawagong'ondea he
mhamba wantu watuhu waidi,
kia yumwe he mhamba wakwe,
yumwe phande ya
kuume na mtuhu
phande yakwe
ya kumoso,
na Yesu gatigati.



Nee yapata saa mtandatu wa musii, zua dikabada
kumwiika, kiza kikagubika si wose yose hadi saa
kenda, na pazia dekuwado dikepanga sehemu mbii he
Nyumba ya Muungu dikatatuka
kuvoka uwanga hadi asi.
Yesu akaiya kwa mgutio
mkuu, "Tate, he mikono
yako naika muye wangu."
Ekubindaho kutamwiiya
ayo, akauya na nyuma.




Aho akeza Yusufu mwenyezi wa Alimatayo ne ni mntu wa Baaza kuu da Wayahudi, mtunywa muno. Yee pia nee akakauwiya kweza kwa Useuta wa Muungu. Nee aita kwa Pilato kwesiho kumwogoha,

akamwombeza ekhigwe mwii wa Yesu. Aho Yusufu akagua sanda, akauseeza asi uwo mwii akauvungavunga sanda. Akauwiika mwe mbia dekuwado digosolwa kwe iwe cha ukuu naho akatongoosa iwe kuu hemeso ya uvi.




Kioi yakwe, yaani Msi wa Kuhumwiiza,
Waviki wakuu na Mafalisayo
wakambasa Pilato,
wakamwamba, "Mkuu
tikumbuka kuwa, 'Yuda
mtiizi katigombeka,
kisingi khazati kuuya
na nyuma, bada
misi mitatu



nendaniyuyuke."



“Ivyo wakaita na wagoji ili kudiinda
dia mbia vitana, na
wakaika alama mwe
dia mbia na aho
waika asikali wainde.”




Wekwembokaho Msi wa Kuhumwiiza
na yekubuwaho keo muno msi wa
Jumapili. Maliamu mntu wa
Magidala na yuda Maliamu
mtuhu wakaita
kudikauwa dia mbia.
Vuu puu, kukalawiiya
zingizo kuu da inusi
mndima wa

Zumbe akaseeya
kulawa uwanga
kwa Muungu
akaditongoosa
dia iwe na
akadekaiya.



Wagoji wa dia mbiya wakakama kwa ukeng'enta mkuu wakawa inga wekuuyao na nyuma.



Iya yuda mndima wa uwanga kwa
Muungu akawamba wada wavyee,
"Nyie mwesekuogoha!

Namanya mwa mwondeza
Yesu mwekugong'ondewa
he mhamba. Hanu
khayuho kwaviya
kayuyuka inga
ekugombekavyo.

Soonii


mhakauwe hantu
hekuwaho mwii
wakwe ugonezwa."



Awo wavyee wakahauka hada he mbiya
uku wamema ukeng'enta na nyemi
muno, wakaita uku waguuka
wakawambe wahina wakwe mbui
iyo. Vuu puu, Yesu akakintana
nawo akagombeka, "Mwaona
vihi." Awo wavyee wakamtimia
na kukinta mavindi hemeso
yakwe

wakatoza miundi
yakwe wakavika.





Mda mcheche Yesu akawalawia wahina kumi dimwe na mwenga wekuwaho hamwe wakada khande. Akawaakia muno kwaajii ya kwesekuzumiiya kwao na khani zao, mana khawokuwazumiiya wada wekuwao wamwona bada ya kuyuyuka. Naho Zumbe Yesu ekubindaho kugombeka nao akadoigwa kwe maangwi akekaa phande ya kuume ya Muungu.



Kwaviya Muungu kaikundisa inusi ata
akamlavya mwanawe wa ikedu, ili kia
mntu endae amzumiiye asekwaga,
iya awe na ugima wa misi
yose kwesiho kisiikizi.



Walumi 3:23 Kwaviya wantu wose wagosoa mavigaviga na wekazi wao khauonyesha ukuu wa Muungu.

Walumi 6:23 Kwaviya maiho ya mavigaviga ni ufe, akini funge alavyayo Muungu ni ugima wa misu wa kae na kae kwa kuungana na Klistu Yesu, Zumbe yetu.

Waebulania 9:27 Inga viya wantu wekuikiwavyo kuuya na nyuma kamwe du, na wekubindaho kuuya na nyuma ni uamuiyo.

Waefeso 2:8,9 Kwaviya muholwa kwa wedi kwa sia ya uzumizi na wala khio kwa ntendwa ntana, uwohozi uwo ni funge kulawa kwa Muungu. Khamwekuholwa kulawana na ntendwa zenu ntana, ivyo mntu yoyose asekwevuna.



Walumi 10:9,10 Inga ukagombeka wee mwenye kwa muomo wako kuwa Yesu ni Zumbe na kumzumiiia mwe moyo wako kuwa Muungu nee kamyuyusa, wendauoholwe. Kwaviya mntu huzumiiya kwa moyo na kuzumiwa hemeso ya Muungu, na kuwagombeka wantu watuhu uwanga ya uzumizi unu wendauoholwe.

Yohana 3:16,17 Kwaviya Muungu kaikundisa inusi ata akamlavya mwanawe wa ikedu, ili kia mntu endae amzumiiye asekwaga, iya awe na ugima wa misi yose kwesiho kisiikizi. Kwaviya Muungu khekumwaagiiya Mwanawe mwe inusi ili awaamuiye wantu, iya wantu waoholwe kwembokea yee.



1 Yohana 5:11-13 Iki nee ekutigombekacho Muungu, Muungu nee katekha ugima wa misi yose kwesiho kisiikizi na ugima uwo umo kwa Mwanawe. Mntu yoyose mwekumzumiiya Mwana wa Muungu ana ugima uwo wa misi yose kwesiho kisiikizi, na yoyose esayekumzumiiya Mwana wa Muungu khana ugima uwo wa misi yose kwesiho kisiikizi. Nawaandikia nywie mumzumiiyao Mwana wa Muungu ili mdahe kumanya kuwa mnao ugima wa misi yose kwesiho kisiikizi.



Matayo 26-28; Luka 22-24; Yohana 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Bondei NT (bou) @The Word for The World International
and Bondei Language translation, 2025. All rights reserved.

<https://www.bible.com/en-GB/bible/4372/MAT.1>

©2026 Bible for Children, Inc.

www.M1914.org

www.bibleforchildren.org

